



**Antiqvae Lectionis Tomus ...**

In Qvo Plvra Qvam XX. Antiqua monumenta, nunquam edita

**Canisius, Heinrich**

**Ingolstadii, 1602**

III. De homine à latronibus capto, & bis venundato, qui post exilium trienne, patriam reuisens cum grandi miraculo se præsentauit beato Emmerammo.

---

[urn:nbn:de:hbz:466:1-64160](https://nbn-resolving.de/urn:nbn:de:hbz:466:1-64160)

## II.

Quidam vir in FRISINGENSI Episcopio, quoniam fraudata est oculorum officio, coniugem suam dimisit, aliamque extra Præceptum D<sup>e</sup> i duxit. Qua culpa adulterum illum cum superducta, Episcopi, in cuius hoc erat dicēcesi, animaduersio conuenit; conuictumque ex regulari poenitentia multauit. Sed persuasoris instinctu pertinax mulier ab illicitis amplexibus diueli non potuit, sed cum matrefamilias permanxit adultera. Factum est autem cum ad beati Emmerammi Ecclesiam conuentus fieri debuisset, & eadem mulier, comitantibus illuc sociata, properaret, in loco, qui VIVARIUS appellatur, vnde Ecclesiam intuita fuit, ducentis ferè ab vrbe passibus, ut nota commissi sceleris eam exagitaret. Cœpit autem tremore nimio concuti, & dissoluta humi deuolui; & cum erecta fuissest à sociis, si processum voluit, procedere non valuit; si redire studuit, redeundi facultatem non habuit. His in angustiis à superueniente sacerdote quodam deprehensa requisiuta est, quo criminis circumuenta pateretur talia. Hoc re lato sicut erat, ad Episcopum suum regredi ab eodem est Presbytero commonita. Quod dum fecisset & effusa in lacrimas vulnus aperiret & satisfactionem ex puro corde promitteret, suscepta Ecclesiasticae formæ medicina, ad medicum suum beatum Emmerammum, expers animæ vulneris, & corporei secura doloris, processit. Qua in refacie colligitur, quā longe separātur incerti à regno D<sup>e</sup> i, qui sic differuntur ab ingressu domorū electorū suorū. Quod ne nobis contingat, fortissima Christi medicina prohibeat.

## III.

Cum virtutum odoribus aromatizans B. Emmeram m<sup>o</sup> populos ad se traheret vndeq; secus, contigit quendam virum

virum fidelem, qui bona intentione, ut finis probabat, illuc  
solusiter carpebat in loco, qui dicitur VERROMVVAIDA,  
quod sermo Latinus exprimit, Longinqua pascua, latrones  
incidisse. Qui eum detentum & expoliatum, Orientalibus  
FRANCIS vendiderunt. Et fastus est alias emptitius, qui  
ad memoriam Martyris voluit esse aduentitius. Quidam  
verò qui hunc exinde venundatum accepit, sub venali cō-  
mercio tradidit cuidam VRINGO in finibus PARATHA-  
NORVM, ad id temporis crudelium paganorum. Cumq;  
se homo Christianus, vicinum cerneret gentilibus, idolo-  
rumuè cultoribus, cœpit nisu quo potuit Domino suo té-  
porali tām præsenti quām absenti, ratum & promptum ex-  
hibere famulatum. Erat autem in lignis operandi peritia  
instructus, qua molendina facere solebat ad aquæ ductus.  
ob que, & venustam ædificiorū compositionem admodum  
charus fuit Domino seruus. Vnde & aliquibus retinaculis  
cupiens hunc sibimet facere firmum & fidum, viduam iu-  
uenculam, secundum carnis huius putredinem, speciosam,  
quam reliquit conseruus eius absq; filiorum procreatione,  
in matrimonium illi temptabat sociare. Quam renuens,  
sorte, non mente, captiuus respondit dicens: Vxorem le-  
gitimā in patria reliqui, cùm p̄ innumeris meis huc trade-  
rer peccatis. Nunc ergo ea viuente quomodo aliam super-  
ducam? Quibus verbis permotus dominus aspermos ser-  
mones inuexit dicens: Hæc mihi faciat Dominus, & hæc  
addat, nisi hanc in matrimonium sumpseris, genti SAXO-  
NVM tēradam, quæ tot dæmonibus per spurcam seruit  
idolatriam. Noui etenim ac experimento didici, quia si  
mulierem hīc accipere non vis, fugere malis, quām me-  
cum commorati in his locis, ut & de fuga confusus, & nihil  
ominus pōst de precio tuo maneam defraudatus. Cumq;  
affiduo sermonibus huiusmodi inter se disceptarent do-  
minus

minus per peccatum seruus, & seruus per iustitiam dominus, etate iam ac morib' senex, aliter se non posse aduertens imperium domini sui declinare, quin in gentem traderetur. Deum ignorantem, cuius vitam quasi mortem timuit, tandem se velle ea confitetur sibi met copulare. Tunc exhilatatus dominus, adpræhensam mulieris manum inuoluit pallio, & vt moris est nuptiarum, seni sub testibus eam in matrimonium concessit; sicq; discessit. Religiosus autem senex accepta muliere perrexit ad domū hæreditatis inuisæ, in qua cubiculum intrantes, & alimenta iuxta consuetudinem nuptiarum, percipientes, lectum, quem ipsa parauerat, haud parili animo ascenderunt. Cui senex, præuide inquit, charissima filia, ne hac thalami commixtione sumum offendamus artificem, quia temporalis vitæ gaudia paueis diebus deficiunt, sed æterna animarum detrimenta parturiunt. Fruere itaq; artificio meo in delicijs, & hoc tantum indulge, ne me sub iugo copulationis huius, cōiuge vi uente, præcipites in interitum. Illa autem carnali voluptate deuicta, virisui petitioni minimè assentiebatur; immo quæ in aurem dixerat, domino suo palificaturam minabatur. Senex vero cum huiusmodi exhortatione se cerneret minus perficere; lasciviam sociæ ac exasperatos animos, verborum blanditijs ita leniuit dicens: Videndum est nobis charissima soror, ne gentilium ritu, cum simus Christiani, nuptijs conueniamus, sed potius per triduum nos continamus, Dominum deprecantes, ut det nobis filiorum procreationem, quia mulier non pro libidine, sed pro sobolis est spe assumenda. Hæc mulier cum audisset, despexit, & se conuertens ad parietem, inertis se somno immersit. Religiosus autem senex cum lachrimis & intentione cordis supplicabat miserationibus omnipotentis, ut per merita & intercessiones dilecti sui Martyris Emmerammi sibi digna-

F

retur

retut auxiliari. Cuius orationem, quia diuina pietas exaudiuit, eodem momento misericordissime patet fecit. Nam cum & ipse præ tristitia obdormisset, Vir quidam pulcher-rimus ante lectum quiescentis astabat, qui baculo, quem manu gestabat, latus eius percussit, dicens: Surge & vade ad Ecclesiam beatissimi Martyris Emmerāmi, quo te iturum deuouisti. Cui vir lenex respondit, quomodo sine alimento tot terrarum ignota spatia perambulabo? Cui iterū, qui astabat adiunxit, surge ne hæsites, sed sume panē positum in cœnaculo superiori, & ipse sufficiet in alimentum tibi, ad perfectionem itineris tui. Vir autem post tantam visionē expergefactus, & aliquādiu spiritus occulta scrutatus, ignorabat, utrū dormiens an vigilas, hanc acceperit ammonitionem. Surrexit tamē secundum edictū vigilis, & panē in cœnaculo reperit, tam candidum & saporum, qualem antea nunquam viderat vel manducauerat. Quem etiam secum sumens, & cætera, quæ in eadem domo suppellebantur erant, ibi relinquens, tantum tulit vestitum singularem, & quam manu solebat gestare bipennem. Regressurus autem ad solitudinem sub festinatione perrexit, lachrimatas preces domino fundens, vt per merita clarissimi Martyris Emmerammi, iter suum dignaretur prosperari. Quod per iniuria & deserta, vti optauit, prosperis continua diebus quatuordecim pene perficiens, demum die quinta decima, hora eiusdem quasi tertia peruenit in montem contra Ratisbonam inter DANVBIVM & IMBRIS fluenta iacentem. Ecceius specula vinearum plantationi contigua, Martyris intuitus Ecclesiam, magnorum videlicet operum casam, inumelias Deo referebat gratias. Tunc descendens de monte atq; naui transmisso flumine cum cæteris turmatim ac nihilominus certatim ad memoriam Martyris pergebatibus, & ipse sub omni celeritate properauerat latu. Cumq; diu opta-

spatam ingressus esset Ecclesiam, adhærens pavimento, lachrimis & precibus satisfecit trienni voto. Completa autem Missarum solennitate, vii competens erat, dominica die, senex religiosus extra aditum Ecclesiæ egressus, panem, de quo tot diebus refectionem habuit, ostendit; historiæ exilij & reuersionis veraciter exposuit; duas portiones, quæ ex alimento superfuerant, in conspectu totius populi, pauperibus diuisit; tanti patroni beneficia clamauit in æterna fore debere memoria. Quid super hoc dicendum vel ascribendū? Nisi quod Psalmista dicit memoriale semipiternū: Magna est gloria in salutari tuo Domine: gloriam & magnum decorem imposuisti super eum. O Iesu benigno, hoc tantum ad te sub eius patrocinio licet dicere, ut sicut illum dedisti multis validum patronum, ita interpellationibus eius placatus, hic & in æternum sis nobis propitius.

IV.

Erat quædam puella in FRISINGENSIS Ecclesiæ dœcensi constituta. Hæc, ut solita erat, primo diluculo progredivit ad exercitationem curæ pastoralis, quo scilicet ad pasca duceret pecora sui genitoris. Contigit autem eam occulto ibi Dei iudicio subito tam spiritus accipere inmutationem, ut nil alimenti in usum viræ omnino sumere vellet. Quo parentes viso, nec non cognati rescito, sub stupore eam cōuenierunt; ac primū obsecrando, dein increpando, demum omnigeno conatu, ut alimento sumeret, angariauerunt. Sed illa perinde modis omnib' vniuersa, quæ mandi & bibi possunt, recusabat recipere, cibi potusq; falsa delectatione le minimè habere. Propinquaverò puellæ aqua lacte mixta ori per vim infundentes temptabat, si forte vel tenuē glutire posset liquorē. Cuius gustum dum inuita sorberet, erecto statim collo sanguine cōfectū reuomebat. Tunc parētes, qd' quirent facere ignorātes, cōsiliū inicrunt,

F. a.

v. c.

Psalms. 20.